



UNIVERSITÄTS-
BIBLIOTHEK
PADERBORN

**Cursus Biennalis Studii Canonici, Sive Succincta Et
Methodica Sacrorum Canonum Explanatio**

Engelhard, Johann Martin

Moguntiae, 1700

Titvlvs VIII. De Dilationibus.

[urn:nbn:de:hbz:466:1-63255](#)

pro Confesso habetur, ut sine aliis probationibus
condemnari possit. cap. fin. §. ult. b.t.

TITVLVS VIII.

De Dilationibus.

QUÆRES 1. Quid sit dilatio & quotuples
Resp. Dilatio est certum temporis inter-
vallum, quod ad actum aliquem commo-
dius perficiendum actori vel reo conceditur, cap. 1.
2. §. b.t. Aliæ sunt legales, quæ, à lege, consuetu-
dine, vel stylo Curiæ absque ministerio judicis vel
litigantium conceduntur, l.i. § 4 ff. de re judic. alia
judiciales quas Judex ipse dat, vel ex præcepto vel
permissione legis cap. cum sit Romana inferius de appellat.
aliæ conventionales, quæ ex conventione partium
competunt. l. de dic. ff. qui satudare cogant. item alia
sunt citatoriæ, quæ indulgentur reo ad comparen-
dum; aliæ probatoriæ, quæ conceduntur ad for-
mandas probationes; aliæ definitoriæ, quæ dantur
ad audiendam sententiam; & executoriæ, quæ reo
per sententiam condemnato ad solutionem facien-
dam conceduntur. cap. 15. de sent. § re jud.

QUÆRES 2. Quis sit dilationum effectus?
Resp. Dilationum effectus is est quod si injustè ne-
gentur, aut terminus nimis arctus præfigatur, vi-
tietur processus. concessæ vero, si pars adveniente
termino peremptorio, contumaciter non compa-
rat, id operantur, ut non auditâ ulterius parte con-
tumace quoad illum actum mox ulterius procedi
possit prorogatione denegatâ; licet in quibusdam
judic.

judiciis praxis vigeat, ut lapsâ dilatione pereemptoriâ, alia adhuc dilatio ex superabundanti indulgetur, quæ vocatur sub pœna præclusi, quam praxim iniquam esse, inde patet, quod parte in termino pereemptorio non agente, alteri sit jus quæsitum, ut in causâ pergitur, quod judex, sine rationabili causâ contumaciam purgante afferre nequit.

QUÆRES 3. Quantum temporis singulæ dilationes contineant? Respond. Licet in jure Civili pro singulis ferè actibus certum tempus determinatum sit, id tamen prudentis judicis arbitrio relinquitur, ut is pro varietate circumstantiarum arbitretur, quantum temporis ad faciendum actum judiciale hic & nunc sufficiat, in quo praxis cuiuscunque curiæ, optimum ager magistrum.

QUÆRES 4. An in dilationibus computentur etiam dies feriati? Respond. Regulatiter computari patet ex l. 3. Cod. h.t. dixi regulariter, si enim feriæ totam vel majorem partem temporis absorberent, & sic præparandis probationibus impedimento essent, tempus feriatum non computari æquitas postularet.

TITULUS IX,

De Ferijs.

QUÆRES 1. Quid sint feriæ? Respond. Feriæ sunt dies, in quibus iudicia exercere nefas est; Differunt à dilationibus, quod non ut illæ ob utilitatem privatam partium, sed ad bo-

num